



武安縣志序

武安當趙魏之交太行
聳右洺流繞左自昔稱
巖邑宰斯土者管鑄相
天地險化導因其土俗

所籍志乘犁然借鏡得
失而武志自前令增修
多歷年所板率泯漈又
武隸磁州今磁改屬直
隸廣平而武隸彰郡統

韓尤不可弗詳也蔣令
念志乘實關吏治集邑
之紳士增訂成書丐余
序余視志中凡志其地
志其時志其人志其事

綱舉目張勿猥勿弁信
犁然有當矣抑余尤有
望于賢宰者王者一道
同風由天下視一邑彈
丸耳而宰爲親民官治

一邑亦必以天下之治
大治焉武安富庶之區百
貨所集習尚芬華往來
斯邑者至比之廣陵建
業於中州之樸素殊不

類然且其俗于昏喪大
禮尙有一二事仍其故
習亟宜變革者欽惟

聖天子孝治天下敦倫厲俗

誥誡丁寧是在賢宰

心慎憲風諭紳士倡導
齊民矯易澆風茂登上
理其爲志乘光余將拭
目俟之矣

乾隆三年歲次戊午嘉平

之古

賜進士出身

誥授資政大夫巡撫河南等

處地方提督軍務兼理

河道都察院右僉都御

史加五級紀錄一次博
陵尹會一題



彰德府武安縣志序

武安壤錯趙魏非馳驛孔
道余雍正八年冬出刺襍
鄧道經滏陽未遑過而問
焉今

上御極之三年余官中州方伯

奉

天子命入

覲往復古鄴見山川環帶民物

恬熙低徊久之然古今風

尚之懸殊政理因革之通
變境得失以驗隆替古志
無由也蔣子光祖令茲邑
也甫閱年矣以改隸彰德
而舊志尚屬磁州且字多

魚魯爰訂正之書成而乞
余言夫武安鼎宿分野在
禹貢冀州之域廣袤止百
數十里爲古晉扼要名鄉
封國鍾靈於紫金白雲虎

頭鳳翼諸山更得南北兩
洛縈紆脉絡於其間雖非
郵傳衝地不可謂非名勝
區也然自戰國蹂躪以來
隸以魏郡屬以廣平轄以

節度團練沿革不一上下

數千載兵燹歲饑史不盡

傳傳不盡事下逮明季賊

氛莫靖凋瘵極矣恭遇我

朝定鼎

歷聖相傳生聚休養百年之久
茲復幸

大中丞尹公端本以誠而
達之以恕務登久道化成
之治籌水利以時蓄洩課

農桑以裕積儲更令州縣
分社勸導以發其禮義廉
恥之心甫兩載政通人和
年穀順成吏治蒸蒸黎民
乂安嗟嗟余因之有感三